

人物志九

孝義

中州土厚而民淳河郡風尤近古如廬墓刲股捐粟布金自昔而然前志書不一書卽此數十年來孝行可述當道爲之式廬而孟津之民且以還金邀

曠典亦可知孝義與性而俱又沐浴於

聖化者久故有動於中輒徬徨鬱勃而不能遏前撫軍雅彰善錄之刻郡屬列名甚夥茲更採而益之以示風勵焉至于子長氏游俠傳所述劇孟之徒其言必信其行必

果已諾必誠赴士之阨困不愛其軀雖龍門有激之言  
其好義任俠有足稱者李濂通志人物傳首列之有以  
夫志孝義

漢

劇孟

吏記列傳洛陽人以任俠顯諸侯孟嘗過袁盎盎善待之安陵富人有謂盎曰吾聞劇孟博徒將軍何自通之盎曰劇孟雖博徒然母死客送葬車千餘乘此亦有過人者且緩急人之所時有也夫一旦有急叩門不以親爲解不以存亡爲辭天下所望者獨季心劇孟耳今公常從數騎一旦有緩急寧足恃乎罵富人弗與通諸公聞之皆多袁盎吳楚反時條侯爲太尉乘傳車將至河南得劇孟喜曰吳楚舉大事而不求孟吾知其無能爲已矣天下騷動宰相得之若得一敵國云

祝公道

記纂淵海河南人建安中郭援破絳邑捕得邑長賈逵囚於壺關閉著土窖中以車輪蓋上使人固守方

死此中乎時公道游壺關與達非故人而適聞其言憐其  
守正危阨乃夜盜往引出折械遣去不語名姓援破達乃  
知前出己者爲公道後公道坐他事達救之力不能解爲  
之改服焉

陽雍伯

搜神記雒陽人性篤孝父母亡葬於無終山遂家焉  
山高無水公汲作義漿于坂頭行者皆飲之三年有

一人就飲以一斗石子與之云玉當生其中又語云後當  
以得婦言畢不見乃種其石數歲時時往視見石子生玉  
北平徐氏女甚有行人多求不許伯乃試求焉徐氏笑以  
爲狂乃戲云得白璧一雙來當爲婚公至所種石中得五  
雙以聘徐氏遂以女妻之天子異之拜爲大夫于種  
玉處四角作大石柱各一丈中央一頃地名曰玉田

田真

續齊諧記與弟田廣田慶共議分財生貲皆平均惟堂  
前一株紫荆樹共議破三片明日就截之其樹卽枯死

狀如火燃真往見之大驚謂諸弟曰樹本同株聞將分斫  
所以顛頽是人不如木也因悲不自勝不復解樹樹應聲  
榮茂兄弟相感合財寶遂  
爲孝門真仕至大中大夫

按眞事蹟不見正史惟齊諧記云京兆人然其宅里墳墓俱在鞏李濂志書之自當載入但時代無考陸機豫章行詩中引之有三荆歡同株句似非同時人濂定爲晉人不知何據

## 南北朝

秦綿

南史孝義傳河南人遭母喪送葬不忍還鄉人作茅菴止其中若遇有米則食粥無米則食菜而已哀號之聲

行者爲之潛淚服訖猶不還家遇疾不療卒臨亡告人曰若死者無知固不宜獨存有知則大獲吾志元嘉四年有司奏旌其門

辛普明

南齊書孝義傳字文達河南人僑居會稽少就關康之受業家貧與兄共處一帳兄亡以帳施靈座夏月

多蚊普明不以露寢見色處之怡然兄將塋隣人嘉其義賻助甚多普明初受後至者皆反之贈者甚怪普明曰本以兄墓不厝故不逆親友之意今何忍亡者餘物以爲家財耶後遭母喪幾至毀滅揚州刺史豫章王辟爲義曹從事不就年

宗承

萬姓統譜洛陽人性至孝父死哀毀骨立及塋負土作墳不役童僕一夕之間土壤自高五尺松竹生焉

趙和

北史趙剛傳洛陽人剛父太平戶陵江將軍南討度淮聞父喪輒還所司將致之於法和曰罔極之恩終天莫

報若許安厝禮畢而卽罪戮死且無恨言訖號慟悲感傍人主司以聞遂宥之喪畢除寧遠將軍大統初追贈膠州

刺史

元晞

北史元文遙傳洛陽人有孝行父卒廬于墓側而終後以子文遙貴特進開府儀同三司中書監諡曰孝

山偉

北史本傳字仲才洛陽人祖強美容貌身長八尺五寸工騎射彎弓五石爲奏事中散從獻文獵方山有兩狐

起於御前詔強射之百步內二狐俱獲位內行長父幼之位金明太守偉涉獵文史孝明初元匡爲御史中尉以偉

兼侍御史孝靜初除衛大將軍中書令兼起居後以本官復領著作卒官贈驃騎大將軍開府儀同三司都督幽州

刺史諡文貞偉弟少亡偉撫寡訓孤同居二十餘載恩義甚篤不營產業身亡之後賣宅營塋妻子不免飄泊士友

歎愍之長

子昂襲爵

隋

元褒

隋書元孝矩傳字孝整洛陽人便弓馬少有成人之量

十歲而孤爲諸兄所鞠養性友悌善事諸兄諸兄議欲別居褒泣諫不得家素富多金寶褒無所受脫身而出爲州里所稱及長寬仁大度涉獵書史任周官至開府北平縣公趙州刺史及高祖爲丞相從韋孝寬擊尉迥以功起拜柱國進封河間郡公邑二千戶入隋累官至齊郡太守吏民安之卒於家時年七十三

楊雍

海錄碎事洛陽人以傭販爲業少修孝敬父母歿哀慕追思敦行善事至老不衰生十男皆令德累世貴盛

唐

楊牢

唐書李中敏傳字松年河南人有至行父茂卿從田氏

府趙軍反殺田氏茂卿死牢之兄蜀三往索父喪慮死不果牢自洛陽走常山二千里號伏叛壘委髮羸骸有可憐狀讐意感解以尸還之單縗冬月往來太行間凍膚皸瘃銜哀兩血行路稠人爲牢泣歸責其子以牢勉之牢絕

尹彌曰孝童牢

後擢進士第

畢棚

唐書畢構傳偃師人太子詹事構弟爲太府主簿留東郡聞兄疾馳歸哀毀如大喪雖變服未嘗笑天下稱其

友悌終荆

州司馬

任仲

唐書孝友傳伊闕人  
事親居喪以至行著

杜并

舊唐書杜審言傳東都人審言子審言與州僚不叶司馬周季重與員外司戶郭若訥共構審言罪狀繫獄將

因事殺之旣而季重等府中酣讌并年十三懷刃以擊之季重中傷死而并亦爲左右所殺季重臨死曰吾不知審言有孝子郭若訥誤我至此審言因此免官還東都自爲文祭并士友咸哀并孝烈蘇頌爲墓誌劉允濟爲祭文

趙宏智

唐書本傳新安人元魏車騎大將軍肅之孫蚤喪母事父篤孝通書傳仕隋爲司隸從事武德初大理卿

郎楚之白爲詹事府主簿太宗時豫論謨錄勤繇太子舍人進黃門侍郎兼宏文館學士出爲萊州刺史稍遷太子右庶子父事兄宏安俸祿歸之不敢私宏安卒哀慟過期奉嫂謹甚撫兄子慈均所生永徽初入爲陳王師講孝經

百福殿高宗喜曰試爲我陳經之要以輔不逮對曰天子  
有爭臣七人雖無道不失天下願以此獻帝悅賜絹二百  
名馬一四年進國子祭酒仍爲學士卒年八十二諡曰宣  
宏安亦終國子祭酒曾孫矜舉明經調舞陽主簿吳少誠  
反以縣歸徙襄城主簿賜牙緋歷襄城丞客死柳州官爲  
歛葬後十七年子來章始壯自襄陽往求其喪不得野哭  
再闕旬卜人秦誦爲筮曰金食其墨而火以貴其墓直丑  
在道之右南有貴神家土是守宜遇西人深目而髯乃其  
得實明日有老人過其所問之得矜墓直社北  
遂歸葬宏安墓次時人哀來章孝皆爲出涕云

元正

唐書元萬頃傳洛陽人萬頃孫修名節擢明經高第授  
監門衛兵曹叅軍舅孫逖與譚物理歎已不逮肅宗初

吏部尚書崔寓典選正以書判第一召詣京師以父詢傳  
老辭疾免河南節度使崔光遠表置其府史思明陷河洛  
輦父匿山中賊以名購正度事急謂弟曰賊祿不可養親  
彼利吾名難免矣然不污身而死吾猶生也賊旣得誘以  
高位瞋目固拒兄弟皆遇害父聞仰藥死路人爲哭事平  
詔錄伏節十一姓而正爲冠贈秘書少監以其子義方爲  
華州叅軍義方歷官虢商二州刺史卒贈左散騎常侍弟  
季方舉明經調楚邱尉歷殿中侍御史遷金膳二部郎中



號能職王叔文用事憚季方不爲用以兵部郎中使新羅  
新羅聞中國喪不時遣供饋乏季方正色責之閉戶絕食  
待死夷人悔謝結驩乃還

卒年五十一贈同州刺史

獨孤庠

唐書獨孤及傳字賢府洛陽人郁于十歲有至性聞  
呼父官及見弔客輒號慟幾絕後舉進士仕尚書丞

司馬鎧

唐書本傳河南人神龍初以中書侍郎卒事繼母孝  
奉祿不入私舍與弟銓伯父希象皆歷殿中侍御史

宋

尹楫

尹焞尹君墓誌字濟川洛陽人尚書比部員外郎仲舒  
之孫進士渭之子奉母能循家法處里閭未嘗妄交宗

族不以親疎爲間一以盡恩  
義母棄養以哀毀成疾卒

趙君錫

宋史孝義傳字無愧洛陽人性至孝母亡事父良規  
不離左右登進士以親故不願仕父每出必躬扶掖

至雜立僕從中嘗從父謁文相彥博異其容止詢  
知之語諸子令視爲法父歿始仕累官給事中

李繼成

古今孝友傳河南人母卒負土成墳晝夜哭  
不絕聲郡守上其事詔旌門閭賜以粟帛

僧僧

宜陽縣志善屬文性至孝卒葬屏山之陽有碑

元

張恭

元史孝義傳偃師人以兵部符署鷹房府案牘親老辭歸侍養父喪過哀奉母馮氏尤謹歲凶恭夫婦採野蔬

爲食而營奉甘旨無乏母疾恭手除溷穢喂哺飲食且嘗

糞以驗疾勢大歷初西兵至河南居民悉竄恭視母病項中一劍不去母驚悸而沒恭居喪盡禮人稱孝焉詔旌其門

朱友諒

元史孝義傳河南人以篤孝稱詔復其門

王宗道

孫裔

元史孝義傳俱河南人居喪廬墓詔旌其門

高顏和

李福

元史孝義傳顏和河南人福涇池人皆累世同居詔表其門閭

王佐

李通志登封人居喪廬墓詔賜旌表

張思忠

歐陽元張公神道碑字誠之鞏人恩子仕嵩州司監不樂爲苛征棄去不復仕性孝友親疾晝夜不解帶

其兄從軍襄樊三月書不達二親憂之公徒步至丘間不避鋒鏑卒獲安耗歸寧其親一日謂其兄弟曰古人有十世共舉火者今何爲不然得非俗之不与與兄弟感其言不敢謀析處鄉鄰族黨多所周恤以子毅爲中書叅議贈集賢直學士大中大夫上輕車都尉追封清河郡侯

**陳用忠**

李通志字公達偃師人儀表整肅性行溫雅鄉里有善士之目性至孝甫冠失恃事繼母無間言待弟允忠備極友愛至順間廕父官補太常禮儀院太祝轉承務郎以清白自持考滿遷奉訓大夫秘書監丞

明

**王中**

李通志登封人家業農未嘗知書而性至孝母歿廬墓三年身被衰麻日食飢粥旦夕哭奠未嘗櫛髮易衣墓側無水浚井四丈餘不得泉中環井再拜籲禱泉湧出鄉里以爲孝感洪武十六年事聞旌表

**魏敏**

中州人物考字好學鞏人進士授吏科給事中以母病謁告歸省未至而母卒敏卽之墓所哀慟水漿不入口者五日廬墓三年旦夕衰服哭奠如初喪鄉里稱其孝洪武二十六年以守臣請旌表其門

孝義

王士能

李通志永寧人父卒廬墓永樂三年旌表

王祺

李通志登封人父卒廬墓事聞旌表

杜端

李通志嵩人庠生父卒廬墓成化中旌表

章瀚

通志字文苑洛陽人官護衛軍早孤事母毛氏至孝母歿哀毀逾禮廬墓三年時有白雉遶墓事聞旌表

馮金玉

劉一魁

通志河南人靖間皆以孝行旌其門

侯鶴齡

通志河南人事親盡孝萬歷間以孝行旌門

賴用

通志通池人洪武初以孝行舉任同州知州政先倫紀賢聲懋著

孟大智

通志洛陽人庠生母卒廬墓三年嘉靖中從張孚敬議先聖像易木主洛人奉詔移像于瀋瀆將沉之水

大智衰經詣府哭留之乃奉聖像祀於瀋水之左

通志洛陽人任驛丞一夕聞鄰婦哭甚哀詢之則其

封銀數金寄其家婦遂留  
未幾其子歸闔門感之

馬從龍

通志孟津人幼孤析居時母愛少子欲倍與龍卽讓千金質於兩弟由明經任香河令蒞政有聲罷官後

素中止俸銀二十兩幾無以歸從龍安貧自若卒祀鄉賢

楊崢

通志孟津人弱冠隨父渡河父墮水中崢號救不得亟投河與父俱溺死

張士益

通志字進德永寧人孝行純篤爲時所稱以子論贈通議大夫

李貴純

通志澠池人歲飢輸粟二千石助賑鄰里稱貸盡焚其券事聞旌表

康紹光

通志字誠一鞏人諸生時流賊圍城父在城酣醉負父逃行十餘里吐血數升又行十里父方醒得免于

難嘉靖己酉登鄉薦知昌黎縣因親老致仕卒祀鄉賢

李尚

通志字謙甫嵩人興子當興下詔獄廷臣交章論救尚亦伏闕上疏乞代父死明日得詔減死徙南丹尚從父

成宏治戊午中廣西舉人後尹靈壽縣

呂孔學

通志新安人母牛氏苦節撫之及母卒號踊致毀苦次病亟子婦以酒肉進終不肯御冢廬泣寒風饕雪

虐人勸之歸不可先是母病腫瀕死孔學籲天請代感異夢遇異人診之一昔而起兒童婦女爭傳其事皆曰呂孝

子御史邱兆麟上其狀奉詔表閭母子節孝同日並旌亦異事也子維祺後死節

李寅

通志聶人母喪廬墓三年有白鶴來棲之感父喪亦如之分巡韋商臣詣廬題請旌表後以明經任衡水教諭

蘭芑

通志字叔禾偃師諸生性純孝母疾親嘗湯藥夜不解帶者五旬及卒哀毀骨立遇歲歉出粟賑濟貧乏存活

甚衆野遇露骼施棺瘞之閭里稱孝義

張詠

通志潁陽庠生父母歿守墓暑雨冬雪不輟家人穴發鉅萬錢以告詠弗顧令報官

鄭民怙

通志字沛蒼孟津人父夢麟司訓唐縣民怙廩生中年失恃事繼母盡孝父在唐病終值闖逆陷唐邑民

怙聞訃大哭曰父櫬在吾能畏死耶遂五晝夜奔赴時兄民望隨父任舍死守喪唐民感夢麟德多護佑民怙躡踊

哀愴同况扶輓歸

黃棟

兵刃等之卒遇害基昌貢生事母亦以孝聞

武崇雅

通志偃師人性至孝遭寇亂奉母避兵某寨母失足墜溝崇雅與妻棄幼兒投溝急救竟死母妻幸無恙

妻劉封崇雅屍乃負姑去平定後劉泰姑教子尤稱孝謹年九十餘卒

董維翰

通志字鳴喬洛陽舉人母老侍疾不仕里人以至孝稱之子篤行進士官副都御史

賈體心

通志洛陽人事繼母盡孝素好義傾家貲招集流亡而自安蔬布鄉人德之子之彥進士

劉宗

舊府志字永正洛陽庠生早孤事母孝母病憂之鬚髮盡白及卒廬墓三年嘗插枯爲籬復生者數十人爲孝感

蔣澄一

舊府志洛陽庠生母疾割股以救母父賈外亡廬墓三年異烏環集鄉里稱爲孝子

王朝海

舊府志字東之偃師庠生事繼母極孝母喪廬墓側祖佐孝義令歸病瞽海每日唾之行輒負之祖母病

目亦如之正德間逆賊攻城盡出所藏稿士竭力捍禦城賴以完有司旌門

馬棟

舊府志字伯龍偃師庠生事母以孝聞母卒哀毀雖隆冬衣不加絮履不著襪哀慕不已有司旌門

馮啟昌

舊府志字茂賢偃師庠生純朴好學父疾醫藥弗廖昌割股食之疾尋愈鄉里稱孝

張光宙

舊府志字任久偃師人叅政蒲子蒲補滇南病瘴篤光宙隨侍時年幾五旬衣不解帶進藥嘗糞竭盡心

力蒲卒于桂陽萬里扶櫬號泣哀毀終身不如葦有司旌門

周一貢

曹清

張紀

舊府志俱鞏人親死廬墓一貢廬父母並繼母墓野居九年觀風使旌之

康宗文

舊府志鞏縣廩生母病自刺其股取血和藥進之病尋愈

陸坦

舊府志孟津廩生太守載子父母歿各廬墓三年制終墓上生筍二莖人皆以爲孝感有司旌之

李芬時

舊府志孟津庠生事繼母極孝父歿芬年已六十餘終日作孺子啼廬墓三載督學旌門

王本淳

舊府志孟津增生父故母老竭盡孝養鄉里無間言事兄本直尤怡怡兄好學淳力肩家務人益稱之

孫天鰲

舊府志孟津庠生家貧事親得歡心二親既歿廬墓六年邑令旌其孝

孟津庠生母祝氏苦



喬於奎

舊府志字東宿孟津庠生厥考大司寇允升弟晚年

亢英

舊府志宜陽人母病每夜焚香告天願以身代割股和藥病頓愈以壽終

王才

舊府志宜陽人以孝稱

李憲

舊府志宜陽人夏邑訓導事親盡孝父歿廬墓三年甘旨之味未嘗入口鄉里賢之建祠以祀

王可大

舊府志宜陽庠生母死廬墓三年

馬呈圖

舊府志宜陽醫學訓科父有疾諸藥不效割股和藥飲之卽愈

陳文獻

舊府志宜陽庠生親死廬墓哀毀如禮事閭旌表

杜現

舊府志登封人性篤孝母病醫藥弗療割股以進母啖疾已

黑志聰

舊府志登封諸生早孤事母孝母性嚴每怒輒不食志聰長跽榻前色愉始起母歿廬墓三年

劉仲倫

舊府志潁陽貢生任宜君知縣孝謹備至母病侍藥晝夜目不交睫及歿廬墓三年有司旌門